



**IZVJEŠTAJ  
O REVIZIJI FINANSIJSKIH IZVJEŠTAJA  
FEDERALNOG MINISTARSTVA ENERGIJE RUDARSTVA I INDUSTRIJE**

**na dan 31.12.2014. godine**

**Broj: 03-13/15**

**Sarajevo, maj 2015. godine**

**SADRŽAJ**

<b>I.</b>	<b>NEZAVISNO REVIZORSKO MIŠLJENJE .....</b>	<b>1</b>
<b>II.</b>	<b>IZVJEŠTAJ O OBAVLJENOJ REVIZIJI FINANSIJSKIH IZVJEŠTAJA .....</b>	<b>4</b>
<b>1.</b>	<b>Uvod .....</b>	<b>4</b>
<b>2.</b>	<b>Predmet, cilj i obim revizije .....</b>	<b>4</b>
<b>3.</b>	<b>Postupanje po preporukama iz prethodnog izvještaja .....</b>	<b>4</b>
<b>4.</b>	<b>Sistem internih kontrola i interna revizija .....</b>	<b>6</b>
<b>5.</b>	<b>Budžet i izvještavanje .....</b>	<b>7</b>
<b>6.</b>	<b>Izvršenje Budžeta .....</b>	<b>7</b>
<b>6.1.</b>	<b>Prihodi i primici .....</b>	<b>7</b>
<b>6.2.</b>	<b>Rashodi i izdaci .....</b>	<b>9</b>
<b>7.</b>	<b>Imovina, obaveze i izvori sredstava .....</b>	<b>12</b>
7.1	Kratkoročna potraživanja .....	12
7.2	Stalna sredstva .....	12
7.3	Kratkoročne obaveze i razgraničenja .....	12
7.4	Sudski sporovi .....	13
7.5	Razvojni projekti .....	13
<b>8.</b>	<b>Ostali nalazi .....</b>	<b>14</b>
<b>9.</b>	<b>KOMENTAR .....</b>	<b>15</b>
<b>III.</b>	<b>REZIME DATIH PREPORUKA .....</b>	<b>16</b>
<b>IV.</b>	<b>PRILOG FINANSIJSKI IZVJEŠTAJI .....</b>	<b>17</b>
	Pregled rashoda budžeta za 2014. godinu .....	18
	Bilans stanja na dan 31.12.2014. godine .....	20

## **I. NEZAVISNO REVIZORSKO MIŠLJENJE**

### ***Osnova za reviziju***

Izvršili smo reviziju finansijskih izvještaja (Račun prihoda i rashoda, Bilans stanja, Izvještaj o kapitalnim izdacima i finansiranju, Posebni podaci o platama i broju zaposlenih, Godišnji izvještaj o izvršenju budžeta) **Federalnog ministarstva energije, rudarstva i industrije** na dan 31. decembar 2014. godine i za godinu koja završava na taj dan i usklađenosti poslovanja sa važećim zakonskim i drugim relevantnim propisima.

### ***Odgovornost rukovodstva za finansijske izvještaje***

Rukovodstvo Federalnog ministarstva energije, rudarstva i industrije odgovorno je za izradu i fer prezentaciju finansijskih izvještaja u skladu sa prihvaćenim okvirom finansijskog izvještavanja, tj. Zakonom o budžetima u FBiH, Uredbom o računovodstvu budžeta u FBiH i Pravilnikom o finansijskom izvještavanju i godišnjem obračunu budžeta u FBiH. Ova odgovornost obuhvata kreiranje, primjenu i održavanje internih kontrola koje su relevantne za pripremu i fer prezentaciju finansijskih izvještaja koji ne sadrže materijalno značajne pogrešne iskaze nastale usljed prevare i greške, kao i odabir i primjenu odgovarajućih računovodstvenih politika i računovodstvene procjene koje su razumne u datim okolnostima.

Pored odgovornosti za pripremu i fer prezentaciju finansijskih izvještaja, rukovodstvo Federalnog ministarstva energije, rudarstva i industrije je odgovorno i za usklađenost poslovanja sa važećim zakonskim i drugim relevantnim propisima, uključujući i odredbe zakona i propisa na osnovu kojih su transakcije i iznosi objavljavani u finansijskim izvještajima.

### ***Odgovornost revizora***

Naša je odgovornost da izrazimo mišljenje o finansijskim izvještajima na osnovu provedene revizije. Reviziju smo izvršili u skladu sa Zakonom o reviziji institucija u FBiH ("Službene novine FBiH", broj 22/06) i primjenjivim Međunarodnim standardima Vrhovnih revizorskih institucija (ISSAI). Ovi standardi nalažu da radimo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijski izvještaji ne sadrže materijalno značajne pogrešne iskaze. Revizija uključuje sprovođenje postupaka u cilju pribavljanja revizorskih dokaza o iznosima i objavama datim u finansijskim izvještajima. Izbor postupka je zasnovan na prosuđivanju revizora, uključujući procjenu rizika materijalno značajnih pogrešnih iskaza u finansijskim izvještajima uslijed prevare i greške. Prilikom procjene rizika, revizor razmatra interne kontrole koje su relevantne za pripremu i fer prezentaciju finansijskih izvještaja, u cilju odabira revizorskih postupaka koji su odgovarajući u datim okolnostima, ali ne u cilju izražavanja odvojenog mišljenja o efikasnosti internih kontrola. Revizija takođe uključuje ocjenu primijenjenih računovodstvenih politika i značajnih procjena izvršenih od strane rukovodstva, kao i ocjenu opšte prezentacije finansijskih izvještaja.

Pored odgovornosti za izražavanje mišljenja o finansijskim izvještajima, naša odgovornost je izražavanje mišljenja o tome da li su finansijske transakcije i informacije, po svim bitnim pitanjima, usklađene sa odgovarajućim zakonskim propisima. Ova odgovornost uključuje provođenje procedura, kako bi se dobili revizorski dokazi o tome da li se sredstva koriste za namjene utvrđene zakonima i propisima. Procedure uključuju procjenu rizika od značajnog neslaganja sa zakonima.

Smatramo da su pribavljeni revizorski dokazi dovoljni i odgovarajući i da obezbjeđuju osnov za naše mišljenje.

### ***Osnova za izražavanje mišljenja sa rezervom:***

- 1. Nije izvršen obračun amortizacije nematerijalne imovine – studije izvodljivosti evidentirane u imovini Ministarstva u iznosu od 469.638 KM u skladu sa članom 27. Zakona o računovodstvu i reviziji u FBiH, zbog čega imovina nije realno iskazana u Glavnoj knjizi Trezora i Finansijskim izvještajima Ministarstva (Tačka 7.2. Izvještaja).**
- 2. U skladu sa Zakonom o naftnim derivatima u Federaciji Bosne i Hercegovine (Sl. novine br.52/14) sa 31.12.2014. godine ostvareni su prihodi po osnovu naplaćene takse za**

uspostavu rezervi naftnih derivata i isti su u Analitičkom bruto bilansu Ministarstva iskazani u iznosu od 2.632.936 KM. Evidentiranje prikupljenih sredstva odnosno naplaćenih prihoda po osnovu uplaćene naprijed navedene takse nije izvršeno u skladu sa Uputstvom o otvaranju posebnih namjenskih transakcijskih računa, načinu planiranja, prikupljanja, evidentiranja i raspolaganja sredstvima s posebnih namjenskih transakcijskih računa otvorenih kao podračuna u okviru Jedinственog računa Trezora. Ministarstvo nije izvršilo usaglašavanje istih sa Federalnim ministarstvom finansija, niti su preostala naplaćena (neutrošena) sredstva sa 31.12.2014. godine u iznosu od 480.282 KM evidentirana na poziciji razgraničenih prihoda, a što je bila obaveza u skladu sa navedenim Uputstvom. Na prijedlog Ministarstva Vlada FBiH je 8.10.2014. godine donijela Odluku broj 1825, kojom se prikupljena sredstva usmjeravaju na „Operatora - Terminale Federacije“ d.o.o. Sarajevo u skladu sa Odlukom o načinu namjenskog utroška sredstava ostvarenih po osnovu takse za uspostavu rezervi naftnih derivata za period 2014.-2018. godina. Federalno ministarstvo finansija je do 31.12.2014.godine izvršilo prenos sredstava u ukupnom iznosu od 1.953.504 KM sa posebnog namjenskog podračuna u okviru Jedinственog računa Trezora, u korist Operatora. Naglašavamo da ja 31.12.2014. godine navedena odluka izmijenjena, jer je izmijenjena i Odluka o namjenskom utrošku sredstava ostvarenih po osnovu takse za uspostavu rezervi naftnih derivata za period 2014.-2018.godina, kojom je predviđeno da se kao izuzetak u 2014. godini naplaćena taksa u cijelosti koristi za troškove Operatora. Navedeno nije u skladu sa članom 43. stav 2. Zakona o izvršenju Budžeta FBiH, kojim je regulisano da se sredstva sa namjenskih podračuna mogu koristiti, samo ako su planirana Budžetom (kako je dato i u Mišljenju federalnog ministarstva finansija na prijedlog odluke o isplati takse), što u ovom slučaju nije ispoštovano. Također ne možemo potvrditi opravdanost donošenja Odluke o isplati prikupljenih sredstava po osnovu takse u korist navedenog Operatora, obzirom da budžetskim zahtjevom nisu bili planirani prihodi i rashodi po navedenom osnovu niti su odobreni Budžetom FBiH za 2014. godinu. (Tačka 6.1. Izvještaja).

3. Ne možemo potvrditi da je Ministarstvo poduzimalo potrebne i adekvatne aktivnosti, u realizaciji sredstava po osnovu Programa utroška sredstava trajnog revolving fonda putem Union banke d.d. obzirom da isto postavlja uslove i kriterije. Inicijalna sredstva trajnog revolving fonda u skladu sa Odlukom Vlade FBiH i odobrenim Budžetom FBiH za 2014. godinu iznosila su 9.124.748 KM a do 31.12.2014. godine Union banka d.d. je na osnovu ispostavljenih Rješenja ministra o dodjeli sredstava na osnovu prethodne saglasnosti Vlade FBiH za 12 privrednih društava sa samo četiri korisnika zaključila ugovor i izvršila realizaciju sredstava u ukupnom iznosu od 1.200.000 KM. Također prema Informaciji Ministarstva (koju je Vlada FBiH usvojila Zaključkom od 14.05.2015. godine) za 15 privrednih društava za koje je ministar donio Rješenje o dodjeli sredstava na osnovu prethodno date saglasnosti Vlade FBiH u ukupnoj vrijednosti od 4.340.908 KM, Union banka d.d. je realizovala 2.100.000 KM za sedam aplikanata. Navedeno ima posebnu značajnost uzimajući u obzir činjenicu da Union banka d.d. raspolaže najvećim dijelom odobrenih sredstava trajnog revolving fonda odnosno da su ista raspoloživa na računu namjenskog depozita u Union banci d.d. Sarajevo (Tačka 6.2.2. Izvještaja).

#### *Mišljenje sa rezervom*

Po našem mišljenju, osim za moguće efekte stavki opisanih u „Osnovi za izražavanje mišljenja“, finansijski izvještaji Federalnog ministarstva energije, rudarstva i industrije, po svim bitnim pitanjima prikazuju istinito i fer stanje imovine i obaveza na dan 31.12.2014. godine, rezultate poslovanja za godinu koja se završava na taj dan u skladu sa prihvaćenim okvirom finansijskog izvještavanja.

Finansijske transakcije i informacije prikazane u finansijskim izvještajima Federalnog ministarstva energije, rudarstva i industrije u toku 2014. godine osim za naprijed navedene kvalifikacije, bile su u svim materijalno značajnim aspektima usklađene sa odgovarajućim zakonskim i drugim propisima.

Mostar, 22.05.2015. godine

**Zamjenik generalnog revizora**

**Branko Kolobarić, dipl. oec.**

**Generalni revizor**

**Dr. sc. Ibrahim Okanović, dipl. oec.**

## II. IZVJEŠTAJ O OBAVLJENOJ REVIZIJI FINANSIJSKIH IZVJEŠTAJA

### 1. Uvod

Federalno ministarstvo energije, rudarstva i industrije (u daljem tekstu Ministarstvo) osnovano je u skladu sa Zakonom o federalnim ministarstvima i drugim tijelima federalne uprave. Ministarstvo obavlja upravne, stručne i druge poslove utvrđene Zakonom o federalnim ministarstvima i drugim tijelima federalne uprave koji se odnose na ostvarivanje nadležnosti Federacije u oblastima: energije, rudarstva, geoloških istraživanja i industrije, praćenje privređivanja i ekonomskog položaja privrednih subjekata i koordiniranje i provedba projekata od značaja za Federaciju u oblastima za koje je nadležno, kreiranje energetske politike i geoloških istraživanja i drugi poslovi utvrđeni zakonom.

U sastavu Ministarstva nalaze se Zavod za mjeriteljstvo i Federalna direkcija za namjensku industriju.

Unutrašnja organizacija i način rada Ministarstva utvrđeni su Pravilnikom o unutrašnjoj organizaciji na koji je Vlada FBiH dala saglasnost. Radom Ministarstva rukovodi ministar. Sredstva za rad Ministarstva osiguravaju se u Budžetu FBiH. Pravilnikom o unutrašnjoj organizaciji iskazana je potreba za 138 izvršilaca (86 bez Zavoda i Direkcije), a na dan 31.12.2014. godine Ministarstvo je imalo ukupno 82 uposlenu (59 bez Zavoda i Direkcije).

Sjedište Ministarstva je u Mostaru, u Ulici Alekse Šantića b.b.

### 2. Predmet, cilj i obim revizije

Predmet revizije su finansijski izvještaji Ministarstva za 2014. godinu i usklađenost poslovanja sa važećim zakonskim i drugim relevantnim propisima. Provedenom revizijom nije obuhvaćena revizija finansijskih izvještaja razvojno investicionih projekata u nadležnosti Ministarstva već samo praćenje realizacije projekata i izvještavanje.

Cilj revizije finansijskih izvještaja je da omogući revizoru da izrazi mišljenje o finansijskim izvještajima koji su predmet revizije, tj. da li finansijski izvještaji, u materijalno značajnom smislu, objektivno i istinito prikazuju finansijsko i materijalno stanje Ministarstva na dan 31.12.2014. godine, izvršenje budžeta za godinu koja se završava na taj dan, da li je poslovanje usklađeno sa važećim zakonskim i drugim relevantnim propisima, da li je trošenje javnih sredstava namjensko, te da li su finansijski izvještaji sačinjeni u skladu sa posebnim propisima o računovodstvu i finansijskom izvještavanju u javnom sektoru.

Revizija je obavljena u skladu sa internim planskim dokumentima revizije, u periodu od decembra 2014. godine do maja 2015. godine.

S obzirom da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

### 3. Postupanje po preporukama iz prethodnog izvještaja

Ured za reviziju institucija u FBiH (u daljem tekstu – Ured) obavio je reviziju finansijskih izvještaja Ministarstva za 2013. godinu, sačinio Izvještaj o izvršenoj reviziji i dao mišljenje sa rezervom o finansijskim izvještajima i usklađenosti poslovanja sa zakonskim i ostalim propisima. U izvještaju su date preporuke cilju otklanjanja uočenih propusta i nedostataka.

Ministarstvo je postupilo u skladu sa članom 16. tačka 3. Zakona o reviziji institucija u FBiH, i obavijestilo o poduzetim aktivnostima na realizaciji datih preporuka u cilju prevazilaženja nepravilnosti identifikovanih u revizorskom izvještaju za 2013. godinu.

U postupku predmetne revizije izvršene su provjere postupanja po preporukama datim u prethodnim revizijama i tom prilikom smo konstatovali da je:

Ministarstvo **postupilo** po datim preporukama koje se odnose na:

- poduzimanju aktivnosti u skladu sa svojim nadležnostima i u saradnji sa Poreznom upravom FBiH na utvrđivanju tačnog iznosa potrebnih sredstava za namjene iz člana 3. Zakona o finansijskoj konsolidaciji rudnika uglja u FBiH prema obračunatim a ne uplaćenim javnim prihodima u periodu od 2009. do 2015. godine;
- pravovremenom poduzimanju aktivnosti na donošenju Programa utroška sredstava „Subvencije javnim preduzećima – konsolidacija rudnika uglja u FBiH“ i Godišnjeg plana raspodjele sredstava u cilju pravovremenog donošenja Rješenja o raspodjeli sredstava kao i u cilju da se obaveze utvrđene Budžetom FBiH na vrijeme mogu izvršiti;
- poduzimanju aktivnosti u skladu sa svojim nadležnostima skupa sa Razvojnou bankom FBiH na okončanju postupka dodjele kredita krajnjim korisnicima odobrenih putem Programa utroška sredstava „Pozajmljivanje i učešće u dionicama – ostala domaća pozajmljivanja“ u 2012. godini kao i skupa sa Union bankom d.d. Sarajevo i Izvozno kreditnom agencijom (IGA) na okončanju postupka dodjele sredstava krajnjim korisnicima odobrenih sredstava putem Programa utroška sredstava „Pozajmljivanje i učešće u dionicama- ostala domaća pozajmljivanja“ u 2013. godini;
- poduzimanju aktivnosti na vršenju raspodjele krajnjim korisnicima na osnovu programa utroška sredstava sa utvrđenim kriterijima raspodjele i na transparentan način;
- evidentiranje poslovnih promjena na bazi vjerodostojnih i urednih knjigovodstvenih isprava u skladu sa Uredbom o računovodstvu budžeta u FBiH;
- formiranju komisije koja će po svakom pojedinačnom Programu utroška sredstava pratiti namjenski utrošak sredstava i o tome izvještavati Vladu FBiH;
- nastavljanju aktivnosti u skladu sa Zaključkom Vlade FBiH na praćenju, analiziranju i izvještavanju Vlade FBiH o provođenju aktivnosti iz Akcionog plana za realizaciju projekta „Razvoj industrijske politike u FBiH“ 2011.- 2015. godina;
- poduzimanju aktivnosti prema Vladi FBiH vezano za obaveze koje su predmet izvršnih sudskih rješenja u kojima je tužena Federacija BiH a koja se odnose na privredna društva iz nadležnosti Ministarstva. Vezano za navedeno Ministarstvo je sačinilo i uputilo Vladi FBiH 27.01.2015. godine Informaciju o potraživanjima i isplatama novčanih potraživanja po pravomoćnim i izvršnim sudskim odlukama zaposlenicima privrednih društava namjenske industrije „Binas“ d.d. Bugojno, PS „Vitezit“ d.o.o. Vitez i „BNT – TmiH“ d.d. Novi Travnik temeljem solidarne odgovornosti iz člana 5. Zakona o stečajnom postupku sa prijedlogom zaključaka koju je Vlada FBiH usvojila.

Ministarstvo je **djelimično postupilo** po preporukama koje se odnose na:

- nastavljanja aktivnosti oko prenosa imovine u terminalima tečnih goriva u Pločama – Republika Hrvatska na Federaciju BiH. Međutim nije prezentovano da je Ministarstvo skupa sa Federalnim ministarstvom finansija poduzimalo aktivnosti u 2014. godini vezano za realizaciju odluka Vlade FBiH o izmirenju obaveza prema malim dioničarima za terminale u FBiH u dijelu dosljedne primjene članova 3. i 4. Ugovora o utvrđivanju i načinu izmirenja obaveza i potraživanja između Vlade FBiH i Energopetrola d.d Sarajevo;
- poduzimanju aktivnosti na realizaciji Odluka Vlade FBiH vezano za povećanje osnovnog kapitala izraženog u novcu privrednog društva „Terminali Federacije“ d.o.o. Sarajevo. Zakonom o naftnim derivatima u FBiH objavljenog u Službenim novinama FBiH broj 52 od 2.07.2014. godine osnovan je Operator rezervi naftnih terminala koji posluje pod nazivom „Operator- Terminali Federacije“ d.o.o Sarajevo i u skladu sa istim postojeći kapital PD „Terminali Federacije“ d.o.o Sarajevo postaje kapital Operatora i isti je u 100% vlasništvu Federacije BiH. U skladu sa članom 54. navedenog zakona Oparator preuzima sva prava i obaveze, uključujući sve zaposlenike i imovinu PD „Terminala Federacije“ d.o.o Sarajevo. Općinski sud u Sarajevu je 03.04.2015. godine donio Rješenje o izmjenama podataka kojim su upisani podaci o povećanju osnovnog kapitala društva. Međutim nije prezentovana dokumentacija koja bi potvrdila da je izvršeno povećanje osnovnog kapitala po odlukama Vlade FBiH u zavisnom društvu „Naftni terminali Federacije“ d.o.o Ploče.

Ministarstvo **nije postupilo** po preporukama (datim u Pismu menadžmentu) koje se odnose na:

- aktivnosti vezano za pridržavanje rokova propisanih Zakonom o doprinosima prilikom predaje specifikacije uz isplatu plata Poreznoj Upravi FBiH. Vezano za navedeno da bi se ovi rokovi ispoštovali, Ministarstvo je tokom 2013. godine imalo aktivnosti na način da su isti dostavili 10.12.2013. godine dopis uz koji su priložili popunjene, potpisane i ovjerene obrasce Službi za zajedničke poslove organa i tijela Federacije BiH koja za Ministarstvo vrši obračun plaća i naknada (sačinjen na osnovu obavijesti Federalnog ministarstva finansija) vezano za elektronsko dostavljanje podataka Poreznoj upravi FBiH. Međutim, u 2014. godini navedeni rokovi se i dalje nisu poštovali.
- izmjene i dopune Rješenja o utvrđivanju naknade i obavljanju usluga po zahtjevima korisnika u oblasti energije, rudarstva, geologije i industrije u dijelu utvrđivanja parametara i kriterija koji će omogućiti utvrđivanje realne visine naknade za obavljanje usluga po podnesenom zahtjevu a u cilju transparentnosti cjelokupnog postupka.

Ministarstvo u 2014. godini nije imalo aktivnosti vezano za procese ili transakcije za koje je u prethodnoj reviziji data preporuka pa samim tim **nismo izvršili ocjenu postupanja** po istim a odnose se na:

- poduzimanju aktivnosti na preispitivanju člana 9. stav 3. Ugovora o komisionom poslovnom aranžmanu sa Izvozno kreditnom agencijom BiH (IGA) u dijelu uslovljavanja perioda važenja istog. U 2013. godini je prezentovano pismeno tumačenje pojašnjenja navedenog člana koji su potpisali Izvozno kreditna agencija BiH (IGA) i Ministarstvo i u istom je dato obrazloženje da ostaje član 9. stav 3.i da isti ima smisla. Međutim, ne može se prihvatiti navedeno objašnjenje i ne može se potvrditi opravdanost zaključivanja navedene odredbe obzirom da je ugovorom jasno definisan rok trajanja kao i da istim nisu jasno definisani uslovi koji trebaju biti ispunjeni da bi se ova odredba Ugovora mogla primijeniti.

#### **4. Sistem internih kontrola i interna revizija**

Izvršena je procjena funkcionisanja sistema internih kontrola kako bi se uvjerali da li uspostavljene interne kontrole osiguravaju tačnu i potpunu računovodstvenu evidenciju, potpunu primjenu i usklađenost sa zakonima i propisima, pouzdanost finansijskog izvještavanja, ekonomično, efikasno i efektivno trošenje i zaštitu javnog novca. Odgovornost za uspostavljanje i primjenu sistema internih kontrola je obaveza rukovodstva Ministarstva. Efikasan sistem internih kontrola zahtijeva jasnu internu komunikaciju koja pretpostavlja da svi zaposleni u potpunosti poštuju i provode usvojene politike i procedure kojima su obuhvaćeni poslovi i radni zadaci na koje su raspoređeni u svrhu obavljanja istih. Pravilnikom o unutrašnjoj organizaciji Federalnog ministarstva energije, rudarstva i industrije (od 20.08.2014. godine) utvrđena je unutrašnja organizacija i djelokrug organizacionih jedinica, sistematizacije radnih mjesta s uslovima za njihovo obavljanje i brojem izvršilaca, rukovođenje organizacionim jedinicama i odgovornost za obavljanje poslova, saradnja u vršenju poslova i disciplinska odgovornost. **Navedenim Pravilnikom predviđena je potreba za 138 izvršilaca, a na dan 31.12.2014. godine bilo je zaposleno 82 uposlenika. Najveća nepopunjenost radnih mjesta utvrđena je u Federalnoj direkciji za namjensku industriju kod koje je od 28 sistematiziranih radnih mjesta, sa 31.12.2014. godine, popunjeno njih 11 i Zavodu za mjeriteljstvo kod kojeg je od 24 radna mjesta sa 31.12.2014. godine popunjeno njih 12. Također u Ministarstvu, u sektoru rudarstva od sistematiziranih 12 radnih mjesta popunjeno je njih sedam (7). Navedeno može imati uticaja na izvršavanje poslova iz nadležnosti Ministarstva.**

**Pravilnikom o internoj kontroli u Ministarstvu** rukovodstvo je normativno definisalo kontrolne postupke, postupke informisanja i komunikacija, te izvršilo procjenu rizika i postupke nadgledanja za značajan broj procesa poslovanja.

Ministarstvo je u ranijem periodu u cilju uspostave i jačanja interne kontrole donijelo potrebne pisane procedure. **Međutim, provedenom revizijom konstatovano je da, iako je postignut napredak u odnosu na prethodne godine, još uvijek nisu uspostavljene adekvatne interne kontrole u dijelu ostalih domaćih pozajmljivanja odnosno kontrolne aktivnosti nisu postavljene na način da obezbjeđuju realnu osnovu koja**



bi potvrdila efikasno trošenje javnih sredstva u ovom segmentu obavljanja djelatnosti Ministarstva kao i u dijelu prikupljanja, realizacije i nadzora po osnovu taksa za uspostavu rezervi naftnih derivata. Pojedine kontrolne aktivnosti ne provode se na način kako je to definisano pisanim procedurama na što je ukazano ovim Izvještajem.

### Interna revizija

**Interna revizija** je formirana na način da je Pravilnikom o unutrašnjoj organizaciji utvrđeno radno mjesto samostalnog izvršioca „**Stručni savjetnik - interni revizor**“ koje je i popunjeno. U skladu sa Zakonom o internoj reviziji u javnom sektoru u FBiH i Pravilnikom o internoj reviziji budžetskih korisnika donesen je Strateški plan interne revizije za period 2014. – 2016. godine i Godišnji plan rada interne revizije za 2014. godinu. U toku 2014. godine izvršeno je 9 internih revizija, a po isteku godine sačinjen Godišnji izvještaj interne revizije i dostavljen Federalnom ministarstvu finansija - Centralnoj harmonizacijskoj jedinici. Osnovni zaključak izvršenih internih revizija je potreba unapređenja funkcionisanja internih kontrola u Ministarstvu.

***Potrebno je izvršiti analizu Pravilnika o unutrašnjoj organizaciji u cilju utvrđivanja opravdanosti predviđenog broja sistematiziranih radnih mjesta i uposlenih za obavljanje poslova koji su zakonom dati u nadležnost Ministarstvu.***

***Potrebno je nastaviti aktivnosti na uspostavljanju funkcionalnog sistema internih kontrola posebno u dijelu dosljedne primjene donesenih internih akata i internih procedura a u cilju otklanjanja konstatovanih propusta i dosljedne primjene zakonskih i ostalih propisa.***

## 5. Budžet i izvještavanje

Budžet Ministarstva za 2014. godinu iznosio je 35.715.998 KM. Isti je izmjenama i dopunama Budžeta FBiH za 2014. godinu smanjen na 33.682.998 KM, **ali se u 2014. godini povećao za izdvajanja iz tekuće rezerve po odlukama Vlade FBiH u ukupnom iznosu od 1.681.970 KM.**

Godišnji finansijski izvještaj o izvršenju Budžeta Ministarstva za period 01.01. do 31.12. 2014. godine sačinjen je od strane Ministarstva i u zakonskom roku dostavljen nadležnim institucijama.

## 6. Izvršenje Budžeta

### 6.1. Prihodi i primici

U Finansijskim izvještajima Ministarstva ukupno ostvareni prihodi iskazani su u iznosu **od 3.266.039 KM i odnose se na neporezne prihode.** Međutim, prema Analitičkoj bruto bilansi (ABB) sa 31.12.2014. godine ukupno ostvareni prihodi iznose 4.637.796 KM od čega se 2.632.936 KM odnosi na sredstva ostvarena po osnovu takse za uspostavu rezervi naftnih derivata. Zbog navedenog ne možemo potvrditi da su prihodi iskazani u finansijskim izvještajima Ministarstva realno iskazani.

Članom 30. Zakona o naftnim derivatima u Federaciji BiH propisan je **namjenski javni prihod- taksa za uspostavu rezervi naftnih derivata.** Ovaj prihod je između ostalog namijenjen i za finansiranje uspostavljanja rezervi naftnih derivata u Federaciji BiH i prihod je Operatora – Terminali Federacije BiH d.o.o. Sarajevo (u daljem tekstu Operator) i plaća se u visini od 0,01 KM po litru naftnih derivata. Obveznici takse su energetske subjekti koji se bave prometom naftnih derivata na malo i kupac koji naftne derivate koristi za pretvaranje u toplotnu ili mehaničku energiju i posjeduje internu stanicu za snabdijevanje goriva ili u tehnološkom procesu proizvodnje. Članom 31. navedenog zakona propisan je namjenski utrošak sredstava prikupljenih po osnovu takse. Federalni ministar finansija je donio Pravilnik o izmjeni Pravilnika o načinu uplate javnih prihoda Budžeta i vanbudžetskih fondova na teritoriji FBiH („Službene novine FBiH“ broj 60/14) od 25.07.2014. godine. Vlada FBiH je donijela Odluku broj V 1443 od 13.08.2014. godine o davanju saglasnosti Ministarstvu na otvaranje posebnog namjenskog računa kao podračuna u okviru Jedininstvenog računa Trezora. Tačkom III navedene odluke je regulisano da će se sredstva od takse koristiti na način i za namjene utvrđene članom 31. navedenog zakona. Također, Vlada FBiH je donijela Odluku broj V 1824 od 8.10.2014. godine o načinu namjenskog utroška navedenih sredstava. Istom je utvrđena namjena u skladu sa članom 31.pomenutog

zakona kao i da se sredstva koja se koriste za jednu od navedenih namjena (osiguranje tehničko – tehnološke ispravnosti postrojenja i skladišta za skladištenje naftnih derivata, uključujući nabavku ili izgradnju novih skladišta) uključuju u povećanje osnovnog kapitala Operatora. U skladu sa istom, Operator Ministarstvu podnosi polugodišnji i godišnji izvještaj o namjenskom utrošku prihoda od taksa. Međutim, navedena odluka je izmjenjena novom Odlukom Vlade FBiH broj 2340 od 31.12.2014. godine kojom je utvrđeno da se ukupno ostvarena sredstva od takse u 2014. godini u cjelosti koriste za troškove Operatora. Prilog iste je Plan namjenskog utroška sredstava za period 2014.-2018. godine po kojem je planiran prihod od takse u iznosu do 2.600.000 KM za troškove rada Operatora.

Uvidom u Analitički bruto bilans (ABB), Izvještaj Trezora i izvode Union banke d.d. Sarajevo (u kojoj je podračun otvoren) sa 31.12.2014. godine utvrdili smo da se podaci o prikupljenim prihodima od takse ne slažu. Prema izvodima Union banke d.d. ukupno prikupljena sredstva iznosila su 2.433.787 KM a prema ABB 2.632.936 KM. Do okončanja revizije Ministarstvo nije izvršilo usaglašavanje iznosa namjenskog računa sa prihodom koji je iskazan u ABB. Također smo utvrdili da je na prijedlog Ministarstva Vlada FBiH donijela Odluku broj V 1825 od 8.10.2014. godine o isplati navedene takse u 2014. godini. Istom je regulisano da će se uplaćena sredstva u 2014. godini na zahtjev Ministarstva prenijeti na transakcijski račun Operatora. Napominjemo da budžetskim zahtjevom ova sredstva nisu planirana i nisu predviđena Budžetom Ministarstva za 2014. godinu. Na osnovu podnesenih zahtjeva Federalnom ministarstvu finansija od strane Ministarstva od 28.10. i 01.12.2014. godine izvršen je prenos sredstava sa podračuna Union banke na Opreatora i to 1.371.757 KM (05.11.2014. godine) i 581.747 KM (9.12.2014. godine), ukupno 1.953.504 KM. Navedeno nije knjigovodstveno evidentirano u poslovnim knjigama Ministarstva na trošku niti na obavezama. Nakon navedenog, u ABB i finansijskim izvještajima Ministarstva stanje ukupno ostvarenih prihoda od takse iskazano je u iznosu od 1.261.179 KM (umanjeno za izvršeni prenos sredstava od 1.371.757 KM). Stanje sredstava prihoda od takse na podračunu Union banke d.d. Sarajevo sa 31.12.2014. godine je iznosilo 480.282 KM, što je Ministarstvo u skladu sa Uputstvom o otvaranju posebnih namjenskih transakcijskih računa, načinu planiranja, prikupljanja, evidentiranja i raspolaganja sredstvima s posebnih namjenskih transakcijskih računa otvorenih kao podračun u okviru Jedinstvenog računa Trezora (u daljem tekstu Uputstvo) za preostali iznos neiskorištenih sredstava na podračunu na kraju fiskalne godine, a prije izrade godišnjeg obračuna trebalo podnijeti zahtjev Federalnom ministarstvu finansija da se u Glavnoj knjizi Trezora izvrši preknjiženje (prenos) sredstava na poziciju vremenskih razgraničenja, koja se u narednoj godini preknjižavaju na odgovarajuću poziciju prihoda.

Operator je sačinio i dostavio Izvještaj o namjenskom utrošku sredstava 24.02.2015. godine u kojem su bila uključena i sredstva uplaćena nakon 31.12.2014. godine i novi izmjenjeni Izvještaj o utrošku sredstava od 1.953.504 KM koji je dostavljen Ministarstvu 25.05.2015. godine. Do okončanja revizije Ministarstvo u okviru svoje nadležnosti nije izvršilo nadzor nad namjenskim utroškom sredstava.

Iz svega naprijed navedenog možemo zaključiti da Ministarstvo ovom procesu u svom poslovanju nije pristupilo ozbiljno i sistematski, posebno uzimajući u obzir činjenicu da je isto predlagač Zakona o naftnim derivatima u FBiH i da je imalo dovoljno saznanja o uvođenju navedene takse. U 2014. godini nije donesen akt kojim bi se detaljno utvrdio proces prikupljanja, raspodjele i nadzora nad prikupljenim i realizovanim sredstvima po osnovu takse za uspostavu rezervi naftnih derivata. Iako budžetskim zahtjevom za 2014. godinu nisu bili utvrđeni prihodi odnosno rashodi po osnovu navedene takse, Vlada FBiH je a na prijedlog Ministarstva donijela odluku o isplati takse na osnovu koje je Federalno ministarstvo finansija izvršilo prenos sredstava Operatoru, a da prethodno u poslovnim knjigama Ministarstva nije evidentirana obaveza za isto. Također, nije prezentovano da je Ministarstvo u skladu sa Uputstvom sačinilo godišnji finansijski izvještaj i izvještaj o namjenskom utrošku sredstava podračuna i iste dostavilo Federalnom ministarstvu finansija.

*Poduzeti aktivnosti na donošenju odgovarajućeg akta kojim bi se detaljno utvrdio proces prikupljanja, raspodjele i nadzora nad prikupljenim i realizovanim sredstvima po osnovu takse za uspostavu rezervi naftnih derivata utvrđene Zakonom o naftnim derivatima u Federaciji BiH i u skladu sa istim postupati.*

*U skladu sa Uputstvom o otvaranju posebnih namjenskih transakcijskih računa, načinu planiranja, prikupljanja, evidentiranja i raspolaganja sredstvima s posebnih namjenskih transakcijskih računa otvorenih kao podračuna u okviru Jedinstvenog računa Trezora sačinjavati godišnji finansijski izvještaj*

*i Izvještaj o namjenskom utrošku sredstava podračuna a za preostali iznos neiskorištenih sredstava na podračunu na kraju fiskalne godine a prije izrade godišnjeg obračuna podnijeti zahtjev Federalnom ministarstvu finansija da izvrši prenos na poziciju vremenska razgraničenja.*

## 6.2. Rashodi i izdaci

U finansijskim izvještajima i izvještaju o izvršenju budžeta za 2014. godinu, ukupno ostvareni rashodi i izdaci u 2014. godini iskazani su u iznosu od 34.534.739 KM što predstavlja izvršenje od 97,65% odobrenog Budžeta za 2014. godinu. Struktura rashoda i izdataka u finansijskim izvještajima je: tekući transferi 20.935.222 KM, izdaci za finansijsku imovinu 10.356.748 KM, plaće i naknade troškova zaposlenih 2.430.945 KM, doprinosi poslodavca 241.338 KM i izdaci za materijal i usluge 522.799 KM.

**Pregled izvršenja budžeta dat je u prilogu IV. Financijski izvještaji - Pregled rashoda budžeta za 2014. godinu.**

### 6.2.1 Tekući transferi

Tekući transferi su iskazani u iznosu od 20.935.222 KM. Budžetom FBiH za ove namjene je odobreno 19.443.252 KM a 1.681.971 KM je odobreno iz sredstava tekuće rezerve. Iskazani tekući transferi se odnose na „Subvencije javnim preduzećima- Konsolidacija rudnika uglja u FBiH“ u iznosu od 19.243.252 KM (isti su u odnosu na odobrena sredstva izvršeni sa 100%), subvencije javnim preduzećima po odlukama Vlade FBiH u iznosu od 1.621.971 KM koji se najvećim dijelom odnose na izmirivanje neizmirenih obaveza javnih preduzeća prema Federalnom zavodu za penzijsko i invalidsko osiguranje (JP „Komos“ d.d. Mostar, „Pretis“ d.d. Vogošća, „Zrak“ d.d. Sarajevo, „Vitezit“ Vitez, „Borac“ d. d. Zenica u stečaju) kao i 60.000 KM po Odluci Vlade FBiH na ime pomoći radnicima privrednog društva „Vranica“ d.d Sarajevo u stečaju.

Programom utroška sredstava „Subvencije javnim preduzećima - Konsolidacija rudnika uglja u FBiH“ za 2014. godinu, (donesen 20.03.2014. godine od strane Vlade FBiH a na prijedlog Ministarstva) utvrđena su sredstva namijenjena za izmirenje obaveza za MIO/PIO i izmirenje obaveza po osnovu poreza na plaću rudnicima uglja u FBiH u skladu sa Zakonom o finansijskoj konsolidaciji rudnika uglja u FBiH prema obračunatim, a neuplaćenim javnim prihodima u periodu od 2009. do 2015. godine (u daljem tekstu Zakon o finansijskoj konsolidaciji rudnika uglja) („Službene novine FBiH“ br. 81/08 i 109/12). Ista su raspoređena rudnicima na osnovu Rješenja ministra od 01.04.2014. godine koji je sačinjen na osnovu Prijedloga godišnjeg plana raspodjele sredstava koji je utvrdila Komisija za praćenje realizacije Zakona o finansijskoj konsolidaciji rudnika uglja od 01.04.2014. godine. Osnov za izradu godišnjeg plana raspodjele sredstava za 2014. godinu je bio nalaz Porezne uprave FBiH od 18.01.2013. godine sačinjen po osnovu Zaključka Vlade FBiH. Međutim, na navedeni nalaz Federalne porezne uprave pojedini rudnici uglja su imali primjedbe i istakli da se njihovo knjigovodstveno stanje duga razlikuje od prvobitno utvrđenog nalaza. Zbog navedenog, tokom 2014. godine sinhroniziranim aktivnostima Ministarstva i Porezne uprave FBiH vršeno je usaglašavanje duga sa rudnicima i Federalnim zavodom za penzijsko i invalidsko osiguranje. Rezultat navedenih aktivnosti je novi nalaz Porezne uprave FBiH o stanju duga po osnovu penziskog invalidskog osiguranja i poreza na platu za sve rudnike za period obuhvaćen navedenim zakonom koji je sačinjen na osnovu Zaključka Vlade FBiH broj V 383 od 18.03.2015. godine. **Novim nalazom dug rudnika uglja je manji za 2.700.541 KM u odnosu na prvobitni nalaz i isti iznosi 175.653.135 KM i po zaključku Vlade FBiH broj 2210 od 10.12.2014 godine predstavlja osnov za utvrđivanje godišnjeg plana raspodjele sredstava za 2015. godinu. Do kraja provedbe revizije ministarstvo je uputilo u redovnu parlamentarnu proceduru izmjene navedenog zakona kojim će se verifikovati stvarni dug rudnika uglja utvrđen kontrolnim nalazom Federalne porezne uprave.**

U skladu sa članom 5. Zakona o finansijskoj konsolidaciji rudnika uglja, Ministarstvo je sačinilo Informaciju o provođenju nadzora u toku 2014. godine nad realizacijom Zakona o finansijskoj konsolidaciji rudnika uglja u FBiH prema obračunatim a neuplaćenim javnim prihodima u periodu 2009. do 2015. godina sa prijedlogom zaključaka koju je Vlada FBiH usvojila Zaključkom broj 383 od 18.03.2015. godine.

**6.2.2. Izdaci za finansijsku imovinu (ostala domaća pozajmljivanja i ostala domaća pozajmljivanja-trajni revolving fond)**

U finansijskim izvještajima Ministarstva za 2014. godinu iskazani su izdaci za finansijsku imovinu u ukupnom iznosu od 10.356.748 KM koliko je ova pozicija i odobrena Budžetom FBiH za 2014. godinu. Isti se odnose na ostala domaća pozajmljivanja u iznosu od 7.600.000 KM i ostala domaća domaća pozajmljivanja – trajni revolving fond u iznosu od 2.756.748 KM.

Vlada FBiH je 27.03.2014 godine donijela **Odluku broj 546 o davanju saglasnosti Ministarstvu za uspostavu trajnog revolving fonda** kod Union banke d.d. za dugoročno finansiranje projekata putem dodjele kredita. **U skladu sa istom sredstva trajnog revolving fonda sačinjavaju 4.685.217 KM preostalih sredstava na računu namjenskog depozita otvorenog kod Razvojne banke FBiH za realizaciju kreditnih sredstava po Programu utroška sredstava za 2012 godinu, 1.682.783 KM sredstava preostala na računu namjenskog depozita otvorenog kod Union banke d.d. Sarajevo za realizaciju kreditnih sredstava po Programu utroška sredstava za 2013. godinu, sredstva koja eventualno preostanu nakon raspodjele sredstava po Programu utroška sredstava za 2014 godinu, sredstva koja će biti osigurana iz Budžeta FBiH za 2015 godinu kao i sredstva koja će korisnici kreditnih sredstava vraćati prilikom otplate glavnice dodjeljenih kredita. U skladu sa navedenom odlukom sredstva koja su preostala na računu namjenskog depozita otvorenog kod Razvojne banke FBiH su 11.04.2014. godine prebačena na račun trajnog revolving fonda otvorenog kod Union banke d.d. Sredstva preostala na računu namjenskog depozita Union banke d.d. Sarajevo su također prenesena na račun trajnog revolving fonda. Na ovaj način ukupno odobrena inicijalna sredstva trajnog revolving fonda u 2014. godini su iznosila 9.124.748 KM.** Sastavni dio navedene odluke je Program utroška sredstava kojim je utvrđen način provođenja programa, namjena pozajmljenih sredstava, kriterij za izbor korisnika sredstava, kontrola utroška sredstava i drugo. Krajnji cilj programa je modernizacija tehnološkog procesa. Na osnovu naprijed navedene odluke Vlade FBiH, Ministarstvo je u mjesecu aprilu 2014. godine sklopilo sa Union bankom d.d. Ugovor o uspostavljanju trajnog revolving fonda i Ugovor o komisionim poslovima. **U skladu sa Ugovorom o komisionim poslovima Ministarstvo snosi 100% rizik nevraćanja kredita i pripadajućih kamata od strane korisnika sredstava.**

Ministar je formirao Komisiju za utvrđivanje prijedloga sa listom korisnika sredstava koja je nakon raspisanog Javnog poziva od 14.05.2014. godine mjesečno sačinjavala zapisnike, utvrđivala liste formalno ispravnih zahtjeva i iste dostavljala banci na ocijenu boniteta. Treba istaći da je Vlada FBiH na prijedlog Ministarstva donijela Odluku broj V 15 od 12.01.2015. godine o izmjeni odluke o davanju saglasnosti Ministarstvu za uspostavu trajnog revolving fonda u smislu produženja roka za dostavu dokumentacije po Javnom pozivu za 2014. godinu do stupanja na snagu Budžeta FBiH za 2014 godinu (raniji rok 31.12.2014. godine). **Do kraja 2014. godine od dostavljenih banci formalno ispravnih zahtjeva za 17 aplikanata (privrednih društava), Union banka d.d. je dala pozitivno mišljenje na 12 zahtjeva aplikanata i nakon ispostavljenih Rješenja ministra o dodjeli sredstava na osnovu prethodne saglasnosti Vlade FBiH, Union banka d.d. je sa samo četiri korisnika zaključila ugovor i izvršila realizaciju sredstava u ukupnom iznosu od 1.200.000 KM.** Prema pismenoj izjavi odgovorne osobe razlog je nedostavljanje na vrijeme Union banci d.d. pojedine dokumentacije od strane aplikanta a po zahtjevu banke. U prilog navedenom ističemo da je Ministarstvo, u skladu sa Odlukom Vlade FBiH, u aprilu 2015. godine dostavilo istoj Informaciju o realizaciji kreditnih sredstava obezbjeđenih Budžetom FBiH za 2014. godinu koje je Vlada FBiH usvajala Zaključkom broj 519 od 14.05.2015. godine. U Informaciji se navodi da je za 15 privrednih društava za koje je ministar donio Rješenje o dodjeli sredstava na osnovu prethodno date saglasnosti Vlade FBiH u ukupnoj vrijednosti od 4.340.908 KM, Union banka d.d. realizovala 2.100.000 KM za sedam aplikanata. Također se navodi da je u redovnoj proceduri na Vladi FBiH Prijedlog rješenja za dodjelu sredstava za devet aplikanata ukupne vrijednosti 2.650.000 KM. Uvažavajući navedeno, možemo zaključiti da se proces realizacije kreditnih sredstava putem revolving fonda odvija dosta sporo i neefikasno. Smatramo da Ministarstvo nije na adekvatan način pratilo realizaciju navedenih sredstava i pravovremeno poduzimalo odgovarajuće aktivnosti posebno uzimajući u obzir činjenicu da Union banka d.d. raspolaže najvećim dijelom odobrenih sredstava trajnog revolving fonda odnosno da su ista raspoloživa na računu namjenskog depozita u Union banci d.d. Sarajevo.

Što se tiče Programa utroška sredstava- ostala domaća pozajmljivanja, Vlada FBiH je donijela Odluku broj 458 od 20.03.2014 godine o usvajanju istog u iznosu od 6.600.000 KM. Svrha navedenog programa je modernizacija tehnološkog procesa i pozajmljivanje za finansiranje uplata za PIO/MIO. Međutim, na

prijedlog Ministarstva, Vlada FBiH je 12.06. 2014. istu stavila van snage i 19.06.2014. godine donijela novu odluku o usvajanju Programa utroška sredstava – ostala domaća pozajmljivanja (kreditiranje pod povoljnijim uslovima u poplavljenim područjima) u iznosu od 7.600.000 KM. Svrha novog programa je sanacija šteta i nastavak rada privrednih društava (Mjera 1) za koju su Programom utvrđena sredstava u iznosu od 6.600.000 KM i pozajmljivanje za finansiranje uplata za PIO/MIO (Mjera 2) u iznosu od 1.000.000 KM. Programom je utvrđen način provođenja programa, kriteriji za izbor korisnika gdje je jedan od kriterija da privredno društvo zapošljava najmanje 20 zaposlenika, trajanje programa, dokumentacija koja se treba dostaviti i drugo. Na osnovu odluka Vlade FBiH od 20.08.2014. godine Ministarstvo je sa Union bankom d.d Sarajevo zaključilo Ugovor o formiranju namjenskog depozita i Ugovor o komisionim poslovima. **U skladu sa Ugovorom o komisionim poslovima Ministarstvo snosi 100% rizik nevraćanja kredita i pripadajućih kamata od strane korisnika sredstava.**

Za navedeni Program do kraja 2014. godine objavljena su tri javna poziva po osnovu kojih je Komisija za utvrđivanje prijedloga liste korisnika imenovana od strane ministra sačinjavala zapisnike i prijedloge liste korisnika koji su formalno ispravni i isti su putem ministarstva prosljeđivani Union banci na ocjenu rizika za Mjeru 1. Nakon sačinjavanja prijedloga rang liste podnesenih zahtjeva za dodjelu sredstava za Mjeru 2., Ministarstvo je istu dostavljalo Vladi FBiH na prethodnu saglasnost. Za Mjeru 2 do kraja 2014. godine za pet privrednih društava Vlada FBiH je na prijedlog ministarstva donijela o izboru korisnika u ukupnom iznosu od 981.538 KM od čega je Union banci na račun namjenskog depozita doznačeno samo 588.848 KM koje je banka realizovala. Za Mjeru 1 do kraja 2014. godine donesena su Rješenja o dodjeli sredstava na osnovu prethodne saglasnosti Vlade FBiH za 11 privrednih društava u ukupnoj vrijednosti od 3.250.000 KM.

Prema Informaciji Ministarstva iz aprila 2015. godine koju je Vlada FBiH usvojila Zaključkom broj 519 od 14.05.2014. godine, za 14 privrednih društava za koja su donesena Rješenja o dodjeli sredstava na osnovu prethodne saglasnosti Vlade FBiH za Mjeru1 u ukupnoj vrijednosti od 3.675.000 KM, Union banka je izvršila realizaciju sredstava u iznosu od 2.120.000 KM za sedam društava za koja su doznačena sredstva na račun namjenskog depozita.

Rješenjem ministra od 01.10.2014. godini formirana je Komisija za kontrolu namjenskog utroška kreditnih sredstava po programima utroška donesenim za 2012, 2013. i 2014. godinu. Komisija je nakon izvršenog nadzora (na osnovu dostavljenog izvještaja korisnika sredstava i izvršenim uvidom na licu mjesta) sačinjavla zapisnike kao i godišnji Izvještaj o izvršenom nadzoru (u skladu sa odlukama Vlade FBiH o usvajanju Programa utroška sredstava) za period 01.10.2014. godine do 31.03.2015. godine ,po Programu utroška sredstava za 2012. godinu koji je Vlada FBiH usvojila Zaključkom broj 514 od 07.05.2015 godine. Izvještaj o izvršenom nadzoru po Programu utroška sredstava za 2013. godinu za period kontrole od 01.10.2014. godine do 31.03.2015. godine je dostavljen Vladi FBiH 11.05.2015. godine i do okončanja revizije nismo imali saznanja da li je Vlada FBiH isti usvojila. **U pomenutom izvještaju je za četiri preduzeća konstatirano (uvidom u dokumentaciju sami smo se u navedeno uvjerali) da je Union banka u skladu sa Katalogom proizvoda i usluga u poslovanju sa privredom Verzija 1.1. iskoristila klauzulu 2.2.1- dugoročni krediti za finansiranje ulaganja u stalna sredstva, namjena: c) refinansiranje ulaganja u stalna sredstva koje je klijent izvršio u prethodnih 12 mjeseci iz vlastitih izvora i na taj način odobrila refinansiranje faktura što nije bilo predviđeno navedenim Programom utroška sredstava. Navedeno upućuje da i ministarstvo nije imalo Programom utroška sredstava za 2013. godinu detaljno razrađene kriterije na osnovu kojih aplikanti treba da apliciraju a što smo konstatirali u prethodnom revizorskom izvještaju. Izvještaj o izvršenom nadzoru po programima utroška sredstava za 2014. godinu do okončanja revizije nije sačinjavan obzirom da aplikanti imaju obavezu dostaviti Izvještaj o utrošku u roku od šest mjeseci od dodjele sredstava a sredstva su dodjeljivana krajem 2014. godine.**

***Poduzeti aktivnosti u skladu sa svojim nadležnostima a skupa sa Union bankom d.d. Sarajevo na efikasnijoj realizaciji kreditnih sredstava i okončanju postupka dodjele kredita krajnjim korisnicima odobrenih putem programa utroška sredstava za 2014. godinu a posebno realizacije sredstava za dugoročno finansiranje projekata putem trajnog revolving fonda a sve u cilju korištenja budžetskih sredstava na racionalan način.***

***Potrebno je nastaviti aktivnosti na kontinuiranom praćenju namjenskog utroška kreditnih sredstava doznačenih krajnjim korisnicima po programima utroška sredstava za 2012., 2013. i 2014. godinu kao i u slučaju nenamjenskog utroška istih pravovremeno poduzimati odgovarajuće aktivnosti u skladu sa datim ovlaštenjima.***

## **7. Imovina, obaveze i izvori sredstava**

U finansijskim izvještajima Ministarstva na dan 31.12.2014. godine iskazana je struktura sredstva i izvora sredstava: stalna sredstva sadašnje vrijednosti u iznosu od 850.002 KM (nabavne vrijednosti 1.702.407 KM, ispravka vrijednost 852.405 KM) i dugoročni plasmani 19.146.498 KM, kratkoročna potraživanja 7.175.961 KM, kratkoročne tekuće obaveze 15.356.953, kratkoročna razgraničenja 7.175.811 KM i izvori stalnih sredstava 19.996.500 KM

**Pregled stanja imovine, obaveza i izvora sredstava dat je u prilogu IV- Bilans stanja na dan 31.12.2014. godine.**

### **7.1 Kratkoročna potraživanja**

**Kratkoročna potraživanja** iskazana su u iznosu od 7.175.961 KM i u odnosu na prethodnu godinu manja su za 6.833.570 KM. Izvršenom revizijom je konstatovano da se najveći dio potraživanja (7.134.888 KM) odnosi na potraživanja od Union banke d.d. Sarajevo po osnovu nerealizovanih sredstava krajnjim korisnicima po osnovu Programa utroška sredstava za 2013. i 2014 godinu. Utvrdili smo da navedeno iskazano potraživanje odgovara stanju na izvodu Union banke d.d. sa 31.12.2014. godine.

### **7.2 Stalna sredstva**

U finansijskim izvještajima Ministarstva na dan 31.12.2014. godine iskazana su stalna sredstva u iznosu od 19.996.500 KM od čega neotpisana/sadašnja vrijednost stalnih sredstava 850.002 KM i dugoročni plasmani 19.146.498.

Uvidom u **dokumentaciju utvrdili smo da niti ove godine nije izvršen obračun amortizacije** za projekat „Razvoj industrijske politike u FBiH“ koji je evidentiran u Glavnoj knjizi Trezora na poziciji nematerijalne imovine - studije izvodljivosti u iznosu od 469.638 KM. Zbog naprijed navedenog u finansijskim izvještajima vrijednost stalnih sredstava i izvora sredstava nisu realno iskazani što ima značajnost ako se ima u vidu da su sredstva navedenog projekta evidentirana u poslovnim knjigama Ministarstva u novembru 2012. godine. Navedeno nije u skladu sa važećim zakonskim propisima koji regulišu ovu oblast.

**Dugoročni plasmani** su u odnosu na prethodnu godinu više iskazani za 8.551.730 KM. Isti se odnose na realizovana sredstva putem Razvojne banke FBiH (3.287.321 KM) i Union banke d.d Sarajevo 6.859.177 KM) po Programu utroška sredstava utvrđenih Budžetom FBiH za 2012., 2013. i 2014. godinu koja su realizovana putem sklopljenih ugovora sa korisnicima kredita, sredstva uplaćena na račun Izvozno kreditne agencije BiH (IGA) koja služe u svrhu obezbjeđenja garancije prema odlukama Vlade FBiH V. broj 65/13 od 24.01.2013. godine u iznosu od 5.000.000 KM (Program utroška dijela sredstava putem Izvozno kreditne agencije BiH (IGA) za 2012. godinu) i Odluke V. broj 115/13 od 27.02.2013. godine u iznosu od 4.000.000 KM (Program utroška dijela sredstava putem Izvozno kreditne agencije BiH (IGA) za 2013 godinu.

***Potrebno je u skladu sa Zakonom o računovodstvu i reviziji u FBiH na sva stalna sredstva u upotrebi vršiti obračun amortizacije u skladu sa procijenjenim vijekom trajanja stalnih sredstava.***

### **7.3 Kratkoročne obaveze i razgraničenja**

**Kratkoročne tekuće obaveze i razgraničenja** iskazani su u iznosu od 22.823.501 KM od čega su kratkoročne obaveze 15.356.953 KM a kratkoročna razgraničenja 7.175.811 KM.

**Kratkoročne obaveze su u odnosu na prethodnu godinu manje za 13.123.600 KM**, najvećem dijelu se odnose na obaveze prema rudnicima uglja u iznosu od 7.576.586 KM po osnovu subvencije javnim

preduzećima (konsolidacija rudnika uglja u FBiH) i obaveze prema Union banci d.d. Sarajevo 7.647.900 KM za neprenesena sredstva po programima utroška sredstava za 2014. godinu.

**Kratkoročna razgraničenja** iskazana su u iznosu od 7.175.811 KM i najvećim dijelom (7.134.888 KM) se odnose na razgraničene ostale prihode po osnovu nerealiziranih sredstava krajnjim korisnicima po osnovu Programa utroška sredstava za 2013. i 2014. godinu.

Obzirom na obrazloženja data u tački 6.1 Izvještaja (Prihodi i primici) koja se odnose na naplaćenu taksu za uspostavu rezervi naftnih derivata u 2014. godini evidentiranu na posebnom namjenskom računu kao podračun u okviru Jedinstvenog računa Trezora, konstatujemo da Komisija za popis nije izvršila popis i predložila da se za preostali iznos neiskorištenih sredstava na podračunu izvrši preknjižavanje (prijenos) na poziciju vremenskih razgraničenja.

#### **7.4 Sudski sporovi**

Prema prezentovanim podacima, Ministarstvo je obaveze po pravosnažnim sudskim presudama po osnovu prava zaposlenika iz radnog odnosa (razlika plata i naknada koje nemaju karakter plate) knjigovodstveno evidentiralo u vanbilansnoj evidenciji kao uslovne obaveze u iznosu od 149.862 KM.

Iz prezentovanog Pregleda tužbi sa stanjem na dan 31.12.2014. godine utvrdili smo da je u istom evidentiran određeni broj tužbi uposlenika Ministarstva iz 2012. i 2013. godine po osnovu isplate razlike plate i drugih potraživanja iz radnog odnosa u kojima se kao tužena strana pojavljuje Federacija BiH odnosno Federalno ministarstvo energije, rudarstva i industrije. Ukupan iznos obaveza po navedenim tužbama je 1.107.098 KM s tim što će vještak finansijske struke utvrditi stvarne obaveze Ministarstva po navedenom osnovu.

Pored naprijed navedenog, prezentovan je pregled pojedinačnih tužbi i izvršnih rješenja zaposlenika privrednih društava BNT Tvornica mašina i hidraulike d.d. Novi travnik, PS Vitezit d.o.o. Vitez i Binas d.d. Bugojno. Izvršna rješenja se odnose na tužbe zaposlenika navedenih privrednih društava protiv Federacije BiH, Vlade FBiH zastupane po Federalnom pravobranilaštvu radi uskraćivanja saglasnosti za otvaranje stečajnog postupka nad privrednim društvima iz oblasti namjenske industrije (članom 5 Zakona o stečajnom postupku je regulisano da ukoliko federalni ministar energije, rudarstva i industrije ne da svoju saglasnost za pokretanje stečajnog postupka za obaveze stečajnog dužnika solidarno odgovara Federacija BiH. Potraživanja radi kojih su podneseni zahtjevi za pokretanje stečajnih postupaka nad navedenim privrednim društvima u najvećem dijelu se odnose na potraživanja zaposlenika tih privrednih društava po osnovu neisplaćenih plata i doprinosa. Vezano za navedene tužbe i izvršna rješenja, Ministarstvo je u prvom mjesecu 2015. godine sačinilo i Vladi FBiH dostavilo Informaciju koju je ista primila na znanje Zaključkom broj 84 od 28.01.2015. godine.

U Informaciji je navedeno da su ukupno izvršene obaveze po navedenom osnovu na teret Budžeta FBiH 4.135.774 KM a dospjele a neizvršene obaveze 2.127.530 KM. Međutim, navedeno je da u toku izvršnih postupaka, Ministarstvo a pogotovo privredna društva kao glavni dužnici čiju obavezu solidarno izmiruje Budžet FBiH nisu imali nikakvih saznanja jer nisu bili stranka u postupku i da Federalno ministarstvo finansija iste nije obavještavalo o izvršenim isplatama. Tako da je dug nekog povjerioca isplaćen a u privrednom društvu se vodi obaveza po istom osnovu. Na taj način stvoreni su uslovi da su finansijski izvještaji privrednih društava u kojima federalni organi vrše ovlaštenja po osnovu učešća državnog kapitala usvajani a nisu u cjelosti objektivni. Pomenutim zaključkom Vlada FBiH je zadužila nadzorne odbore navedenih preduzeća da donesu odgovarajuće akte radi predlaganja Skupštinama svakog privrednog društva donošenje odluka o povećanju osnovnog kapitala Federacije BiH za iznose izvršenih solidarnih obaveza privrednog društva.

#### **7.5 Razvojni projekti**

U okviru Pregleda kapitalnih projekata finansiranih iz ino i domaćih izvora za 2014. godinu a koji je objavljen u Aneksu Budžeta FBiH za 2014. godinu utvrđeni su razvojno – investicioni projekti koji su dati u nadležnost Ministarstvu (čiji su implementatori JP Elektroprivreda BiH d.d. Sarajevo, JP Elektroprivreda HZHB d.d. Mostar i BH GAS d.o.o. Sarajevo) u ukupnom iznosu od 163.618.462 KM. Navedeni projekti se finansiraju iz donacija Svjetske banke 1.000.000 KM i IPA fondova 700.000 KM, vlastitim učešćem Elektroprivrede HZHB

18.267.572 KM, KfW donacijom 4.194.860 KM i kreditom 46.092.009 KM, EIB kreditom 5.000.000 KM, EBRD kreditom 6.191.000 KM i vlastitim učešćem Elektroprivrede BiH 82.173.021 KM. Navedeni projekti se odnose na:

- Gasifikacija Srednje Bosne (Gasovod Zenica-Travnik) I faza,
- TE Kongora Tomislavgrad,
- Revitalizacija hidroelektrane Rama (power IV),
- Izgradnja vjetroelektrane Mesihovina,
- Power IV Uvođenje SCADA/DMS i TK u sektor distribucije,
- SCADA DMS/OMS s pripadajućim komunikacijskim sustavom,
- Vjetroelektrana Podveležje,
- Blok 7 u TE Tuzla
- Blok 1 u TE Bugojno
- HE Janjići, Ustikolina, Vranduk, Kruševo, Zeleni vir, Čaplje,
- MHE na Neretvi,
- Projekat uređenja deponije šljake i pepela Turbići - Kakanj

**Navedena preduzeća (implementatori projekata) dostavila su Ministarstvu tabelarne preglede sa podacima o izvorima finansiranja, planovima realizacije i izvršenju planova razvojno – investicijskih projekata. Dati podaci u tabelama koji se odnose na planove realizacije u 2014. godini kao i prethodnih godina nisu u skladu sa podacima iskazanim u Aneksu Budžeta FBiH za 2014. godinu.**

Implementaciju navedenih projekata provode jedinice za implementaciju u okviru JP Elektroprivreda BiH d.d. Sarajevo, JP Elektroprivreda HZHB d.d. Mostar i BH GAS d.o.o. Sarajevo. Ministarstvo je u skladu sa Uredbom o uspostavi koordinacionog mehanizma za upravljanje i koordinaciju sredstava za razvoj u FBiH uspostavilo organizacionu jedinicu (Grupu za razvoj) koja između ostalog ima zadatak da vrši monitoring tekućih energetskih projekata, pripremu informacija za potencijalne projekte te vrši izradu izvještaja i informacija o stepenu realizacije investicionih projekata. Ministarstvo je u toku 2014. godine nakon dobivenih kvartalnih izvještaja od implementatora projekta, iste analiziralo i na osnovu istih sačinilo zbirni izvještaj koje je dostavljalo Federalnom ministarstvu finansija i Vladi FBiH.

***Potrebno je da Ministarstvo skupa sa Federalnim ministarstvom finansija poduzme aktivnosti u dijelu iskazivanja istinitog i tačnog prikazivanja planova i realizacije kapitalnih projekata koji se finansiraju iz ino i domaćih izvora a za koje je isto nadležno.***

## **8. Ostali nalazi**

- **Realizacija odluke o izmirenju obaveza Vlade FBiH malim dioničarima- Energopetrolu d.d. Sarajevo**

**Odlukama o izmirenju obaveza Vlade FBiH malim dioničarima za terminale u FBiH (broj 976/07, broj 16/08 i 17/08) je odobren iznos od 13.282.892 KM u korist Energopetrola d.d. Sarajevo, na ime izmirenja obaveza Vlade FBiH utvrđenih Ugovorom o utvrđivanju i načinu izmirenja obaveza i potraživanja između Vlade FBiH i Energopetrola d.d. Sarajevo koji je zaključen u 2006. godini. Članom III pomenutih odluka, kao i članom 3. naprijed navedenog Ugovora je definisana obaveza Energopetrola d.d. Sarajevo da u roku od dva dana nakon namirenja potraživanja od strane Vlade FBiH izvrši uplatu utvrđenog iznosa na Jedinstveni račun trezora Budžeta FBiH. Članom IV navedenih odluka utvrđeno je da su za realizaciju istih zaduženi Federalno ministarstvo finansija i Federalno ministarstvo energije, rudarstva i industrije, svako u svojoj nadležnosti. Navedena sredstva su u skladu sa odlukom Vlade FBiH uplaćena u prethodnom periodu na račun Energopetrola d.d. Sarajevo, a nije prezentirana dokumentacija da je do kraja 2014. godine **Energopetrol d.d. Sarajevo na Jedinstveni račun Trezora Budžeta FBiH izvršio uplatu sredstava, u skladu sa navedenim odlukama i Ugovorom. Također, ni ove godine nije prezentovana dokumentacija da je Ministarstvo skupa sa Federalnim ministarstvom finansija poduzelo aktivnosti vezano za realizaciju nevedene odluke Vlade FBiH o izmirenju obaveza prema malim dioničarima za terminale u FBiH u udijelu dosljedne primjene****



navedenih članova Odluke i Ugovora o utvrđivanju i načinu izmirenja obaveza i potraživanja između Vlade FBiH i Energopetrola d.d. Sarajevo koji je zaključen u 2006. godini.

Po pitanju izmirenja obaveza "malim dioničarima" Ministarstvo je poduzimalo aktivnosti koje su bile usmjerene na otklanjanje negativnih efekata po Budžet Federacije BiH uslijed podnošenja više tužbi privrednog društva „General servis“ d.o.o. Sarajevo, dioničara privrednog društva „Energopetrol“ d.d. Sarajevo, podnesenih radi izmirenja obaveza Vlade FBiH malim dioničarima za izuzete terminale u Federaciji BiH. Prezentovane su dvije presude općinskog suda u Sarajevu kojima je odbijen u cjelosti tužbeni zahtjev „malih dioničara“.

***Potrebno je skupa sa Federalnim ministarstvom finansija okončati aktivnosti vezano za realizaciju odluka Vlade FBiH o izmirenju obaveza prema malim dioničarima za terminale u FBiH u dijelu dosljedne primjene članova 3. i 5. Ugovora o utvrđivanju i načinu izmirenja obaveza i potraživanja između Vlade FBiH i Energopetrola d.d. Sarajevo.***

- **Realizacija po Zaključku Vlade FBiH vezano za uknjižavanje imovine terminala tečnih goriva na Federaciju BiH**

Na osnovu zaključaka Vlade FBiH broj 524 od 27.03.2014. godine i 1109 od 12.06.2014. godine vezano za aktivnosti uknjižavanje imovine terminala tečnih goriva na Federaciju BiH, privredno društvo „Terminali Federacije BiH“ su 17.07.2014. godine obavijestili Ministarstvo da je opunomoćeni odvjetnik privrednog društva 07.07.2014. godine od Ministarstva pravosuđa Republike Hrvatske zatražio povlačenje podnijetog zahtjeva za sticanje prava vlasništva na nekretnini u Pločama kao strane pravne osobe a radi stvaranja pretpostavki za podnošenje novog zahtjeva. Nakon toga a nakon preuzimanja funkcije Uprava „Operator-Terminali Federacije“ d.o.o. Sarajevo je 26.01.2015. godine je opunomoćila odvjetnički ured iz Republike Hrvatske za nastavak aktivnosti sa uknjižbom vlasništva na pomenutoj nekretnini strane pravne osobe. U informaciji koju je 03.04.2015. godine „Operator- Terminali Federacije“ d.o.o Sarajevo uputilo Vladi FBiH i Ministarstvu je navedeno da je opunomoćeni odvjetnik 11.02.2015. godine podnio novi zahtjev Ministarstvu pravosuđa Republike Hrvatske za davanje mišljenja vezano za uknjižbu vlasništva na pomenutoj nekretnini strane pravne osobe.

***U skladu sa utvrđenim nadležnostima nastaviti aktivnosti vezano za uknjižbu terminala tečnih goriva u Pločama na Federaciju BiH.***

## **9. KOMENTAR**

Federalno ministarstvo energije, rudarstva i industrije je dostavilo Komentar na Nacrt izvještaja o reviziji finansijskih izvještaja za 2014. godinu, broj 08-14-1443/15 od 07.07.2015. godine. U navedenom Komentaru data su obrazloženja na kvalifikacije u Nezavisnom revizorskom mišljenju koja nisu uticala na date nalaze i mišljenje, pa se ovaj Izvještaj smatra konačnim.

Rukovodilac Sektora za finansijsku reviziju:

**Mirsada Janjoš, dipl. oec.**

Vođa tima:

**Jadranka Novak, dipl. oec.**

Član tima:

**Vedran Zovko, dipl. oec.**

### III. REZIME DATIH PREPORUKA

Izvršenom revizijom poslovanja Ministarstva za 2014. godinu konstatirali smo određen broj propusta i nepravilnosti, a u cilju otklanjanja istih dali smo sljedeće preporuke:

- 1. Potrebno je u skladu sa Zakonom o računovodstvu i reviziji u FBiH na sva stalna sredstva u upotrebi vršiti obračun amortizacije u skladu sa procenjenim vijekom trajanja stalnih sredstava.*
- 2. Poduzeti aktivnosti na donošenju odgovarajućeg akta kojim bi se detaljno utvrdio proces prikupljanja, raspodjele i nadzora nad prikupljenim i realizovanim sredstvima po osnovu takse za uspostavu rezervi naftnih derivata utvrđene Zakonom o naftnim derivatima u Federaciji BiH i u skladu sa istim postupati.*
- 3. U skladu sa Upustvom o otvaranju posebnih namjenskih transakcijskih računa, načinu planiranja, prikupljanja, evidentiranja i raspolaganja sredstvima s posebnih namjenskih transakcijskih računa otvorenih kao podračuna u okviru Jedinstvenog računa Trezora sačinjavati godišnji finansijski izvještaj i Izvještaj o namjenskom utrošku sredstava podračuna a za preostali iznos neiskorištenih sredstava na podračunu na kraju fiskalne godine a prije izrade godišnjeg obračuna podnijeti zahtjev Federalnom ministarstvu finansija da izvrši prenos na poziciju vremenska razgraničenja.*
- 4. Poduzeti aktivnosti u skladu sa svojim nadležnostima a skupa sa Union bankom d.d Sarajevo na efikasnijoj realizaciji kreditnih sredstava i okončanju postupka dodjele kredita krajnjim korisnicima odobrenih putem programa utroška sredstava za 2014. godinu a posebno realizacije sredstava za dugoročno finansiranje projekata putem trajnog revolving fonda a sve u cilju korištenja budžetskih sredstava na racionalan način.*
- 5. Potrebno je nastaviti aktivnosti na kontinuiranom praćenju namjenskog utroška kreditnih sredstava doznačenih krajnjim korisnicima po programima utroška sredstava za 2012. 2013 i 2014. godinu kao i u slučaju nenamjenskog utroška istih pravovremeno poduzimati odgovarajuće aktivnosti u skladu sa datim ovlaštenjima.*
- 6. Potrebno je izvršiti analizu Pravilnika o unutrašnjoj organizaciji u cilju utvrđivanja opravdanosti predviđenog broja sistematiziranih radnih mjesta i uposlenih za obavljanje poslova koji su zakonom dati u nadležnost Ministarstvu.*
- 7. Potrebno je nastaviti aktivnosti na uspostavljanju funkcionalnog sistema internih kontrola posebno u dijelu dosljedne primjene donesenih internih akata i internih procedura a u cilju otklanjanja konstatovanih propusta i dosljedne primjene zakonskih i ostalih propisa.*
- 8. Potrebno je da Ministarstvo skupa sa Federalnim ministarstvom finansija poduzme aktivnosti u dijelu iskazivanja istinitog i tačnog prikazivanja planova i realizacije kapitalnih projekata koji se finansiraju iz ino i domaćih izvora a za koje je isto nadležno.*
- 9. Potrebno je skupa sa Federalnim ministarstvom finansija okončati aktivnosti vezano za realizaciju odluka Vlade FBiH o izmirenju obaveza prema malim dioničarima za terminale u FBiH u dijelu dosljedne primjene članova 3. i 5. Ugovora o utvrđivanju i načinu izmirenja obaveza i potraživanja između Vlade FBiH i Energopetrola d.d. Sarajevo.*
- 10. U skladu sa utvrđenim nadležnostima nastaviti aktivnosti vezano za uknjižbu terminala tečnih goriva u Pločama na Federaciju BiH.*

**IV. PRILOG**  
**FINANSIJSKI IZVJEŠTAJI**

**Pregled rashoda budžeta za 2014. godinu**
**Naziv institucije: Federalno ministarstvo energije, rudarstva i industrije**

Opis	Planirano	Ostvareno		Odstupanje (4-2)	Procenat (4/2)x100
		u predhodnoj godini	u tekućoj godini		
1	2	3	4	5	6
<b>A. Tekući rashodi (1+2+3+4+5)</b>	<b>22.995.933</b>	<b>30.907.922</b>	<b>22.448.334</b>	<b>-547.599</b>	<b>97,62</b>
<b>1. Plaće i naknade troškova zaposlenih</b>	<b>2.499.055</b>	<b>2.263.979</b>	<b>2.430.945</b>	<b>-68.110</b>	<b>97,27</b>
Bruto plaće i naknade	2.282.467	1.993.415	2.164.018	-18.449	99,15
Naknade troškova zaposlenih i skupštinskih zastupnika	316.588	270.564	266.927	-49.661	84,31
<b>2. Doprinosi poslodavca i ostali doprinosi</b>	<b>248.174</b>	<b>209.785</b>	<b>241.338</b>	<b>-6.836</b>	<b>97,25</b>
<b>3. Izdaci za materijal, sitan inventar i usluge</b>	<b>805.452</b>	<b>434.158</b>	<b>522.799</b>	<b>-282.653</b>	<b>64,91</b>
Putni troškovi	87.000	86.352	74.621	-12.379	85,77
Izdaci za energiju	17.732	7.276	7.963	-9.769	44,91
Izdaci za komunikaciju i komunalne usluge	68.899	60.787	66.100	-2.799	95,94
Nabavka materijala i sitnog inventara	75.601	53.769	64.195	-11.406	84,91
Izdaci za usluge prevoza i goriva	51.959	35.796	34.360	-17.599	66,13
Unajmljivanje imovine, opreme i nematerijalne imovine	10.741	10.741	10.741	0	100
Izdaci za tekuće održavanje	30.421	22.204	15.917	-14.504	52,32
Izdaci osiguranja, bankarskih usluga i usluga platnog prometa	172.500	11.813	59.848	-112.652	34,69
Ugovorene i druge posebne usluge	290.599	145.420	189.054	-101.545	65,06
<b>4. Tekući transferi i drugi tekući rashodi</b>	<b>19.443.252</b>	<b>28.000.000</b>	<b>19.253.252</b>	<b>-190.000</b>	<b>99,02</b>
Tekući transferi drugim nivoima vlasti	-	-	-	-	-
Tekući transferi pojedincima	-	-	-	-	-
Tekući transferi neprofitnim organizacijama	-	-	-	-	-
Subvencije javnim preduzećima	19.343.252	28.000.000	19.243.252	-100.000	99,48
Subvencije privatnim preduzećima i poduzetnicima	100.000	-	10.000	-90.000	10
Subvencije finansijskim institucijama	-	-	-	-	-
Tekući transferi u inostranstvo	-	-	-	-	-
Drugi tekući rashodi	-	-	-	-	-
<b>5. Izdaci za kamate i ostale naknade</b>	<b>-</b>	<b>-</b>	<b>-</b>	<b>-</b>	<b>-</b>
Kamate na pozajmice primljene kroz Državu	-	-	-	-	-
Izdaci za inostrane kamate	-	-	-	-	-
Kamate na domaće pozajmljivanje	-	-	-	-	-
Izdaci za kamate vezane za dug po izdanim garancijama	-	-	-	-	-
<b>B. Kapitalni izdaci (6+7)</b>	<b>330.317</b>	<b>205.464</b>	<b>47.687</b>	<b>-282.630</b>	<b>14,44</b>
<b>6. Izdaci za nabavku stalnih sredstava</b>	<b>330.317</b>	<b>205.464</b>	<b>47.687</b>	<b>-282.630</b>	<b>14,44</b>
Nabavka šuma, zemljišta i višegodišnjih zasada	-	-	-	-	-
Nabavka građevina	-	-	-	-	-
Nabavka opreme	310.317	195.294	47.687	-262.630	15,37
Nabavka ostalih stalnih sredstava	-	-	-	-	-
Nabavka stalnih sredstava u obliku prava	-	-	-	-	-
Rekonstrukcija i investiciono održavanje	20.000	10.170	-	-20.000	0
<b>7. Kapitalni transferi</b>	<b>-</b>	<b>-</b>	<b>-</b>	<b>-</b>	<b>-</b>
Kapitalni transferi drugim nivoima vlasti	-	-	-	-	-
Kapitalni transferi pojedincima	-	-	-	-	-
Kapitalni transferi neprofitnim organizacijama	-	-	-	-	-
Kapitalni transferi javnim preduzećima	-	-	-	-	-
Kapitalni transferi privatnim pred. i poduzetnicima	-	-	-	-	-
Kapitalni transferi finansijskim institucijama	-	-	-	-	-
Kapitalni transferi u inostranstvo	-	-	-	-	-
<b>C. Ostale isplate (8)</b>	<b>10.356.748</b>	<b>11.200.000</b>	<b>10.356.748</b>	<b>0</b>	<b>100</b>
<b>8. Izdaci za finansijsku imovinu</b>	<b>10.356.748</b>	<b>11.200.000</b>	<b>10.356.748</b>	<b>0</b>	<b>100</b>
Pozajmljivanje drugim razinama vlasti	-	-	-	-	-
Pozajmljivanja pojedincima i neprofitnim organizacijama i privatnim preduzećima	-	-	-	-	-
Pozajmljivanje javnim preduzećima	-	-	-	-	-
Izdaci za kupovinu dionica javnim preduzećima	-	-	-	-	-

Izdaci za kupovinu dionica privatnih preduzeć i učešće u zajedničkim ulaganjima	-	-	-	-	-
Ostala domaća pozajmljivanja	10.356.748	11.200.000	10.356.748	0	100
Pozajmljivanje u inostranstvo	-	-	-	-	-
<b>D. Tekuća rezerva</b>	<b>1.681.970</b>	<b>148.000</b>	<b>1.681.970</b>	<b>0</b>	<b>100</b>
<b>RASHODI (A+B+C+D):</b>	<b>35.364.968</b>	<b>42.461.386</b>	<b>34.534.739</b>	<b>-830.229</b>	<b>97,65</b>

Rukovodstvo je Pregled rashoda budžeta za 2013. godinu odobrilo dana 21.02.2014.godine

**Ministar**

**Erdal Trhulj**

<b>Bilans stanja na dan 31.12.2014. godine</b>			
<b>Naziv institucije: Federalno ministarstvo energije, rudarstva i industrije</b>			
Opis	31.12.2014	31.12.2014	Procentat (3/2)
1	2	3	4
<b>I AKTIVA</b>			
<b>A) Gotovina, kratkoročna potraživanja, razgraničenja i zalihe (1+...+8)</b>	<b>42.697.302</b>	<b>22.823.501</b>	<b>53,5%</b>
1. Gotovina i plemeniti metali	616	1944	315,6%
2. Vrijednosni papiri	-	-	-
3. Kratkoročna potraživanja	14.008.958	7.175.961	51,2%
4. Kratkoročni plasmani	-	-	-
5. Financijski i obračunski odnosi s drugim povezanim jedinicama	<b>28.687.728</b>	<b>15.645.596</b>	<b>54,5%</b>
6. Zalihe materijala i robe	-	-	-
7. Zalihe sitnog inventara	-	-	-
8. Kratkoročna razgraničenja	-	-	-
<b>B) Stalna sredstva (11+14+17+18)</b>	<b>11.502.487</b>	<b>19.996.500</b>	<b>173,8%</b>
9. Stalna sredstva	1.663.044	1.702.407	102,4%
10. Ispravka vrijednosti	755.325	852.405	112,9%
11. Neotpisana vrijednost stalnih sredstava (9-10)	907.719	850.002	93,6%
12. Dugoročni plasmani	10.594.768	19.146.498	180,7%
13. Ispravka vrijednosti dugoročnih plasmana	-	-	-
14. Neotpisana vrijednost dugoročnih plasmana (12-13)	10.594.768	19.146.498	180,7%
15. Vrijednosni papiri	-	-	-
16. Ispravka vrijednosti vrijednosnih papira	-	-	-
17. Neotpisana vrijednost vrijednosnih papira (15-16)	-	-	-
18. Dugoročna razgraničenja	-	-	-
<b>UKUPNO AKTIVA (A+B):</b>	<b>54.199.789</b>	<b>42.820.001</b>	<b>79%</b>
<b>II PASIVA</b>			
<b>C) Kratkoročne obaveze i razgraničenja (19+...+24)</b>	<b>42.697.302</b>	<b>22.823.501</b>	<b>53,5%</b>
19. Kratkoročne tekuće obaveze	28.480.553	15.356.953	53,9%
20. Obaveze po osnovu vrijednosnih papira	-	-	-
21. Kratkoročni krediti i zajmovi	-	-	-
22. Obaveze prema zaposlenicima	211.517	290.737	137,5%
23. Financijski i obračunski odnosi s drugim povezanim jedinicama	-	-	-
24. Kratkoročna razgraničenja	14.005.232	7.175.811	51,2%
<b>D) Dugoročne obaveze i razgraničenja (25+26+27)</b>	-	-	-
25. Dugoročni krediti i zajmovi	-	-	-
26. Ostale dugoročne obaveze	-	-	-
27. Dugoročna razgraničenja	-	-	-
<b>E) Izvori stalnih sredstava (28+29+30+31-32)</b>	<b>11.502.487</b>	<b>19.996.500</b>	<b>173,8%</b>
28. Izvori stalnih sredstava	907.719	850.002	93,6%
29. Ostali izvori sredstava	10.594.768	19.146.498	180,7%
30. Izvori sredstava rezervi	-	-	-
31. Neraspoređeni višak prihoda nad rashodima	-	-	-
32. Neraspoređeni višak rashoda nad приходima	--	-	-
<b>UKUPNO PASIVA:</b>	<b>54.199.789</b>	<b>42.820.001</b>	<b>79%</b>

Rukovodstvo je Bilans stanja na dan 31.12.2013.godine odobrilo dana 21.02.2014.godine

Ministar

Erdal Trhulj